



# ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 13/29

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 04 » 04 2023թ.

## 1. Վարչական իրավախախտման վերաբերյալ գործի նկարագրությունը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Ա. Մելիքյանի կողմից հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 180-րդ հոդվածի 5-րդ մասով նախատեսված վարչական իրավախախտում, մասնավորապես՝ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինի կողմից Երևան քաղաքի Բաղրամյան պողոտայի հ. 3 հասցեում գտնվող փաբում, 15.01.2023 թվականին ժամը 00:25-ից մինչև 03:40-նն ընկած ժամանակահատվածում միացված է եղել բարձր երաժշտություն, որի վերաբերյալ 15.02.2023 թվականին կազմվել է վարչական իրավախախտման վերաբերյալ թիվ Ա-001750 արձանագրությունը (հետայսու՝ արձանագրություն):

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը՝ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինը չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինի պատշաճ ծանուցման փաստի առկայությունը կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչարարության հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 15.02.2023 թվականին կազմված հ. Ա-001750 արձանագրության հիման վրա հարուցված վարչական վարույթը 06.03.2023 թվականի հ. Վ-201 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը՝ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիսոցկինի պատշաճ ծանուցման փաստի առկայությունը կասեցնել գործի վարույթը:



Տիմոֆեյի Վիստչկինին Երևանի քաղաքապետարանում 04.04.2023 թվականին կայանալիք գործի քննությանը ծանուցելու համար:

«Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիստչկինը ծանուցված լինելով 04.04.2023 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ քաղվածքը, ՀՀ ոստիկանության Երևան քաղաքի վարչության Արաբկիր բաժնի պետի 18.01.2023 թվականի հ. 16/6-524 գրությունը, Երևան քաղաքի Կենտրոն վարչական շրջանի ղեկավարի հ. 23/12245-23 ծանուցումը, Երևան քաղաքի Կենտրոն վարչական շրջանի ղեկավարի աշխատակազմի աշխատակցի 15.02.2023 թվականի «Բացատրագիր» վերտառությամբ գրությունը և Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիստչկինի կողմից Երևան քաղաքի Բաղրամյան պողոտայի հ. 3 հասցեում գտնվող փաբում 15.01.2023 թվականին ժամը 23:00-ից հետո, մասնավորապես ժամը 00:20-ից մինչև 03:40-ն ընկած ժամանակահատվածում չի ապահովվել լուրջությունը և գիշերային անդորրը: «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիստչկինի կողմից ապահովված չէ Երևան քաղաքի ավագանու 16.12.2019թ. N 175-Ն որոշման 1-ին կետով սահմանված պահանջը:

«Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիստչկինի կողմից թույլ է տրվել Օրենսգրքի 180-րդ հոդվածի 5-րդ մասով նախատեսված վարչական իրավախախտում:

2. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 180-րդ հոդվածի 5-րդ մասի համաձայն՝ Առևտրի և ծառայությունների բնագավառում, այդ թվում՝ հանրային սննդի օբյեկտների, ինչպես նաև սահմանափակման ենթակա ծառայության օբյեկտների բնագավառում ծառայություններ մատուցող կամ գործունեություն իրականացնող անձանց կողմից, ըստ տվյալ առևտրի և ծառայությունների օբյեկտի գտնվելու վայրի, համայնքի ավագանու կողմից սահմանված ժամերին (22.00-ից մինչև 7.00-ն, 23.00-ից մինչև 7.00-ն և 24.00-ից մինչև 7.00-ն) լուրջությունը կամ գիշերային անդորրը չապահովելը՝ առաջացնում է տուգանքի նշանակումը՝ սահմանված նախադրյալով:



Երևան քաղաքի ավագանու 16.12.2019թ. N 175-Ն որոշման 1-ին կետի համաձայն՝ Երևան համայնքի վարչական տարածքում առևտրի և ծառայությունների բնագավառում գործունեություն իրականացնող օբյեկտներում առևտրի և ծառայությունների բնագավառում գործունեություն իրականացնող անձանց կողմից լուրջությունը կամ գիշերային անդորրն ապահովելու ժամերը սահմանել 23.00-ից մինչև 7.00-ն:

Օրենքի 49-րդ հոդվածի 1-ին մասի «բ» կետի համաձայն՝ վարչականամարմինը պարտավորված է վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշումն ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 180-րդ հոդվածի 5-րդ մասով, 219.1-րդ, 252-րդ, 281-րդ և 282-րդ հոդվածներով, Երևան քաղաքի ավագանու 16.12.2019թ. N 175-Ն որոշմամբ, 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

#### ՈՐՈՇԵՑԻ

1. «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիտչկինի նկատմամբ 06.03.2023 թվականի հ.Վ-201 որոշմամբ կասեցված վարչական վարույթը վերսկսել:

2. «Գրական Ակումբ» սահմանափակ պատասխանատվությամբ ընկերության տնօրեն Մատվեյ Տիմոֆեյի Վիտչկինին Օրենսգրքի 180-րդ հոդվածի 5-րդ մասով ենթարկել վարչական պատասխանատվության՝ նշանակելով վարչական տույժ 300.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն սուուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015213110 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ  
ՊԵՏԻ ՏԵՂԱԿԱԼ՝



ԱՐԱՍ ՄԱՐՏԻՐՈՍՅԱՆ